

Na osnovu člana 12. i 14. Zakona o udruženjima i fondacijama ("Službene novine Federacije BiH", broj 45/02), na osnivačkoj skupštini održanoj dana 24.05.2012. godine u prostorijama UG "Galerija" u ulici Ljudevita Gaja b.b., Novi Travnik, usvojili su:

STATUT

BICIKLISTIČKI KLUB "PEDALA"

1. TEMELJNE ODREDBE

Član 1.

Udruženje Biciklistički klub "Pedala"(u daljnjem tekstu: Udruženje) je nestranačko, nevladino, neprofitno udruženje građana, utemeljeno u cilju unapređenja biciklističkog sporta, te rekreativnog, sportskog, turističkog i ekološkog populariziranja i razvoja biciklizma.

Član 2.

Naziv Udruženja glasi: Biciklistički klub "Pedala". Skraćeni naziv glasi: BK "Pedala". Sjedište Udruženja je u Novom Travniku, ulica Ljudevita Gaja b.b.

Član 3.

Udruženje se ustrojava i djeluje kao udruženje sa svojstvom neprofitne, nevladine, nestranačke pravne osobe i upisuje se u registar udruženja pri nadležnom kantonalnom, federalnom organu državne uprave. Udruženje djeluje na području SBK-a BiH. Za svoje obveze Udruženje odgovara cijelom svojom imovinom, u skladu sa Zakonom.

Član 4.

Udruženje zastupa predsjednik Udruženja. Predsjednik Udruženja može odrediti i druge osobe s pravima i obvezama u zastupanju.

Član 5.

Udruženje ima svoj pečat. Pečat Udruženja je okruglog oblika, promjera 30 mm sa znakom Udruženja u sredini i ispisanim tekstom uz rub pečata: Biciklistički klub "Pedala". Pečat čuva i ovlašten je koristiti ga predsjednik Udruženja i drugi članovi Udruženja koje on ovlasti.

Član 6.

Udruženje posjeduje znak. Znak Udruženja je silueta biciklističke pedale, i oko ispisan tekst: Biciklistički klub "Pedala".

Član 7.

Rad Udruženja je javan. Javnost rada Udruženja ostvaruje se pravodobnim i istinitim obavještanjem članova Udruženja i javnim informisanjem o radu Udruženja. Članovi se o radu Udruženja obavještauju putem sjednica organa Udruženja, te putem Interneta. Predstavnici sredstava javnog informisanja mogu prisustvovati sjednicama organa i izvještavati javnost o radu tih organa Udruženja. Javnost se može isključiti sa sjednice tijela Udruženja zbog zaštite osobnih podataka o članovima Udruženja, te zaštite lične ili poslovne tajne. Udruženje ima svoju web stranicu. Akte o pokretanju web stranice kao i akte o uređivačkoj politici donosi Upravni odbor.

Član 8.

U djelatnosti Udruženja nije dopuštena rasna, nacionalna, vjerska i politička diskriminacija, te kršenje sloboda i prava čovjeka i građanina.

ČLANSTVO UDRUŽENJA

Član 9.

Član Udruženja može biti državljanin Bosne i Hercegovine, strana osoba koja ima stalni ili privremeni boravak u Bosni i Hercegovini, ili pravna osoba, koja dobrovoljno pristupi Udruženju na način propisan Statutom.

Član 10.

Kandidat podnosi molbu za prijem u članstvo u obliku pismene pristupnice ili putem pristupnice na web stranici Udruženja. Za osobe mlađe od 18 godina pristupnicu u članstvo Udruženja obavezan je potpisati jedan od roditelja ili odgovorna punoljetna osoba.

Član 11.

Članstvo u Udruženju može biti:

- Aktivni član
- Potpomažući član
- Počasni član

Aktivnim članom postaje osoba koja svojim kontinuiranim aktivnim radom doprinosi ostvarenju ciljeva i zadataka Udruženja (aktivno sudjeluje u pripremi i izvršenju programa Udruženja, može birati i biti biran u organe Udruženja). A ktivnim članom postaje onaj član koji popuni pristupnicu za članstvo i redovno izvršava obaveze (uplata članarine).

Potpomažući član može postati svaka pravna ili fizička osoba, koja svojom financijskom i drugom pomoći redovito pomaže razvitak i napredak Udruženja i ostvarivanje njegovog programa. Potpomažući član obavezan je poštivati Statut Udruženja, čuvati i štiti njegov ugled (ne sudjeluje u radu Skupštine, ne može birati niti biti biran u organe Udruženja).

Počasnim članom može postati osoba iznimno zaslužna za rad i razvitak Udruženja, za ostvarivanje ciljeva i zadataka Udruženja, te sporta u cjelini (ne sudjeluje u radu Skupštine, ne može birati niti biti biran u organe Udruženja).

Član 12.

Svaki član Udruženja dužan je pridržavati se Statuta i drugih odluka Udruženja, izvršavati preuzete obaveze, a aktivni članovi dužni su i redovito plaćati članarinu u iznosu koji usvoji Upravni odbor. U javnim nastupima član Udruženja dužan je čuvati ugled i interese Udruženja..

Član 13.

Članstvo u Udruženju prestaje:

- dobrovoljnim istupanjem iz članstva Udruženja;
- isključenjem iz Udruženja, ako član svojim djelovanjem, suprotno odredbama ovog Statuta, nanese štetu interesima i ugledu Udruženja;
- ako u toku kalendarske godine ne ispuni financijske obveze prema Udruženju;
- smrću člana Udruženja.

Član 14.

O primanju u članstvo, prestanku članstva, te o statusu člana odlučuje Upravni odbor Udruženja. Registar članova Udruženja vodi osoba koju odredi Predsjednik. Protiv odluke Upravnog odbora može se izjaviti žalba Skupštini Udruženja. Odluka Skupštine Udruženja je konačna.

CILJEVI I DJELATNOSTI UDRUŽENJA

Član 15.

Cilj Udruženja je da svojom djelatnošću pridonosi:

- razvitku i unapređenju biciklističkog sporta;
- razvitku rekreativnog, sportskog, turističkog i ekološkog populariziranja i razvoja biciklizma;
- razvitku i unapređenju međusobnih odnosa svojih članova u duhu sportskog ponašanja i tolerancije.

Član 16.

U ostvarivanju svojih ciljeva Udruženje obavlja slijedeće djelatnosti-zalaže se:

- za unapređenje i omasovljivanje biciklizma;
- za razvoj rekreativnog biciklizma i prema svojim mogućnostima za razvoj sportsko-natjecateljskog biciklizma;
- za povezivanje turističkih kapaciteta s rekreativnim biciklizmom (cikloturizam);
- za bicikl kao ekološko prijevozno sredstvo;
- za povećanje sigurnosti biciklista u saobraćaju;
- za projekte biciklističkog saobraćaja u gradu (urbani biciklizam), kantonu/županiji i Federaciji BiH i BiH;
- sudjeluje na biciklističkim manifestacijama u BiH i inozemstvu;
- organizira i provodi sportsko-rekreativne i druge akcije i aktivnosti sa sadržajem biciklističkog sporta, zaštite okoline i čovjekova zdravlja;
- organizira i sudjeluje u planinarskim i ekološkim akcijama, pohodima i maratonima;
- zastupa zajedničke interese članova Udruženja pred gradskim, kantonalnim/županijskim, državnim i sportskim organima i organizacijama;
- povezuje se i pristupa organizacijama slične orijentacije u zemlji i inozemstvu;
- surađuje sa sportsko-rekreativnim organizacijama (planinarska društva, rafting klubovi, skijaški klubovi, biciklistički klubovi itd.);
- pruža pomoć svojim članovima u saobraćajnom, sportskom i tehničkom educiranju.

USTROJ I UPRAVLJANJE U UDRUŽENJU

1. ORGANI UDRUŽENJA

Član 17.

Organi Udruženje su:

- Skupština,
- Upravni odbor,
- Predsjednik Upravnog odbora.

1.1. Skupština

Član 18.

Skupština Udruženje (u daljnjem tekstu: Skupština) je najviši organ upravljanja. Skupštinu čine svi aktivnih članovi Udruženja.

Član 19.

Skupština radi na sjednicama koje se sazivaju po potrebi, a najmanje jedanput godišnje. Svake četvrte godine saziva se Izborna sjednica Skupštine. Skupština može biti izvanredna. Skupština može pravovaljano odlučivati ako sjednici prisustvuje najmanje 9 aktivnih članova Skupštine. Skupština donosi odluke natpolovičnom većinom prisutnih članova, javnim glasanjem, osim u slučaju kad se o pojedinom pitanju glasa tajno. Iznimno, Skupština odlučuje dvotrećinskom većinom glasova o donošenju Statuta i njegovim izmjenama i dopunama. Radom Skupštine predsjedava predsjednik Skupštine, a u slučaju njegove spriječenosti predsjednik Udruženja, kojemu mogu pomagati i dva člana koje izabere Skupština.

Član 20.

Skupštinu saziva predsjednik Skupštine ili predsjednik Udruženja. Skupština s prijedlogom dnevnog reda saziva se najmanje deset dana prije održavanja sjednice, i to obavještavanjem članstva. U iznimnim slučajevima može se sazvati Skupština i u kraćem roku.

Član 21.

Izvanrednu Skupštinu saziva predsjednik Skupštine ili predsjednik Udruženja i to:

- na temelju odluke Upravnog odbora Udruženja,
- na temelju pravnog zahtjeva najmanje polovice članova Skupštine.

Predsjednik Udruženja dužan je u roku od deset dana ili kraće sazvati izvanrednu Skupštinu, od dana podnesene odluke, odnosno zahtjeva.

Član 22.

Sjednicama Skupštine mogu prisustvovati i gosti. Goste na sjednicama Skupštine poziva predsjednik Udruženja. Gosti nemaju pravo odlučivanja.

Član 23.

Skupština:

- donosi statut, te izmjene i dopune statuta;
- daje saglasnost na pravne radnje poduzete u postupku utemeljivanja Udruženja;
- bira i opoziva članove Upravnog odbora, te predsjednika Skupštine i predsjednika Udruženja.
- odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama Udruženja;
- razmatra i usvaja godišnje ili periodične izvještaje o radu Upravnog odbora;
- razmatra i usvaja program i kalendar aktivnosti Udruženja za predstojeće razdoblje;
- ustanovljuje nagrade i priznanja;
- odlučuje o svim pitanjima koja nisu u nadležnosti drugog organa.

1.2. Upravni odbor (UO)

Član 24.

Upravni odbor je izvršni i upravni organ koji se brine o provođenju ciljeva Udruženja, koji su utvrđeni ovim Statutom i odlukama Skupštine. Upravni odbor broji 5 članova, a čine ga predsjednik Upravnog odbora i četiri aktivna člana Udruženja. Mandat članova Upravnog odbora je četiri godine, s pravom ponovnog izbora.

Član 25.

Radom Upravnog odbora rukovodi predsjednik Upravnog odbora, kojeg biraju članovi Upravnog odbora na prvom sastanku. U slučaju odsutnosti ili spriječenosti, radom Upravnog odbora rukovodi predsjednik Udruženja ili član Upravnog odbora koga izabere Predsjednik Upravnog odbora.

Član 26.

Sjednice Upravnog odbora održavaju se po potrebi. Sjednicu Upravnog odbora saziva predsjednik Upravnog odbora u dogovoru sa predsjednikom Udruženja, a u slučaju njegove odsutnosti predsjednik Udruženja.

Član 27.

Upravni odbor može pravovaljano odlučivati ako sjednici prisustvuje natpolovičan broj članova. Upravni odbor odlučuje natpolovičnom većinom prisutnih članova. Upravni odbor odlučuje javnim glasanjem.

Član 28.

Za svoj rad članovi Upravnog odbora odgovorni su Skupštini Udruženja. Skupština može opozvati Upravni odbor ako ocijeni da je svojim radom povrijedio ovaj statut, ne izvršava odluke Skupštine ili ne provodi usvojenu politiku. Skupština može opozvati člana Upravnog odbora ako ocijeni da postupa suprotno ovom Statutu ili ne izvršava odluke Skupštine ili Upravnog odbora. Upravni odbor ili član Upravnog odbora opozivaju se po postupku po kojem su izabrani. Prijedlog za opoziv pojedinog člana Upravnog odbora može podnijeti predsjednik Udruženja ili najmanje polovica od ukupnog broja članova Skupštine.

Član 29.

Upravni odbor:

- priprema sjednice Skupštine Udruženja;
- priprema i predlaže nacrt izmjena statuta i drugih akata koje donosi Skupština Udruženja;
- provodi politiku, zaključke i druge odluke koje je donijela Skupština Udruženja;
- upravlja imovinom Udruženja;
- podnosi godišnja ili periodična izvještavanja o svom radu Skupštini Udruženja na usvajanje;
- organizira rad i djelovanje Udruženja između dvije Skupštine, donosi akte kojima se osigurava uredno poslovanje Udruženja i izvršenje usvojenog programa, ako Statutom nisu stavljeni u nadležnost Skupštine;
- bira i opoziva predstavnike u tijelima organizacija u čijem radu sudjeluju i predstavnici Udruženja;
- odlučuje o sudjelovanju na sportskim manifestacijama i određuje delegaciju Udruženja;
- odlučuje o raspodjeli prikupljenih sredstava;
- utvrđuje visinu članarine za iduće razdoblje;
- odlučuje o primanju i prestanku članstva, te o statusu člana Udruženja;
- povjerava posebne poslove pojedinim članovima;
- donosi opći akt za dodjelu i način dodjele priznanja;
- odlučuje o pokretanju web stranice kao i o uređivačkoj politici;
- obavlja i druge poslove koji nisu u izričitoj nadležnosti Skupštine ili drugog organa.

1.3. Predsjednik Udruženja

Član 30.

Skupština Udruženja iz svog sastava bira predsjednika Udruženja na rok od četiri godine, s pravom ponovnog izbora. Predsjednik Udruženja odgovoran je za rad Skupštini Udruženja.

Član 31.

Predsjednik Udruženja:

- trudi se da rad Udruženja bude u skladu s interesima razvoja biciklističkog sporta, unapređenja rekreativnog, sportskog, turističkog i ekološkog populariziranja i razvoja biciklizma SBK-a i BiH, te u skladu s interesima članova Udruženja i društva u cjelini;
- zastupa Udruženje, predsjedava sjednicama Skupštine i Upravnog odbora, ako predsjednik Skupštine i predsjednik Upravnog odbora nisu u mogućnosti da budu prisutni.
- predlaže članove Upravnog odbora, za koje Skupština daje suglasnost;
- obavlja i druge poslove koje mu povjere Skupština i Upravni odbor.

Predsjednik Udruženja može podnijeti ostavku na vlastiti zahtjev. Upravni odbor ili bilo koji aktivni ili redovni član Udruženja koji sakupi potpise najmanje dvije trećine od ukupnog broja članova Skupštine, može tražiti saziv Skupštine za smjenu predsjednika, ako on svjesno ili nesvjesno čini povrede koje nanose teže posljedice za djelatnost Udruženja i njegov ugled.

Član 32.

Predsjedniku u radu pomaže osoba koju on odredi u njegovoj odsutnosti, te ga ta osoba zamjenjuje s punim ovlastima i obvezama predsjednika.

1.4. Predsjednik Skupštine

Član 33.

Udruženje ima predsjednika Skupštine Udruženja. Predsjednik Skupštine obavlja poslove savjesno i za svoj je rad odgovoran Upravnom odboru. Bira ga Skupština i ima mandat na četiri godine sa pravom ponovnog izbora. U slučaju spriječenosti i odsutnosti, poslove predsjednika Skupštine obavlja Predsjednik Udruženja.

Član 34.

Predsjednik Skupštine:

- priprema, saziva i vodi sjednicu Skupštine;
- obavlja stručno-administrativne poslove Udruženja;
- poduzima mjere za ostvarenje utvrđenog plana i programa Udruženja;
- brine o zakonitosti rada i ispunjavanju zakonom, ugovorom ili na drugi način preuzetih obveza Udruženja;
- pomaže u radu predsjedniku Udruženja i predsjednicima drugih organa i radnih tijela Udruženja na organizaciji i provođenju programa aktivnosti;
- odgovara za pravodobnu pripremu sjednica Skupštine, Upravnog odbora i drugih organa;
- brine o pravodobnom provođenju odluka Skupštine i Upravnog odbora;
- brine o osiguranju javnosti rada Udruženja i poslovima informiranja;
- vodi evidenciju i registre članstva i dokumentacije Udruženja;
- obavlja i druge poslove koji su mu povjereni od strane Skupštine i Upravnog odbora.

Član 35.

Predsjednik Skupštine može biti razriješen dužnosti ako svjesno ili nesvjesno učini težu povredu obveze kojom nastanu teže posljedice za djelatnost Udruženja, njegov ugled i imovinu. Predsjednik Skupštine može biti razriješen dužnosti i na vlastiti zahtjev.

II. IMOVINA I MATERIJALNO-FINANCIJSKO POSLOVANJE UDRUŽENJA

Član 36.

Imovinu Udruženja čine novčana sredstva, nepokretne i pokretne stvari te druga imovinska i neimovinska prava.

Udruženje je neprofitna organizacija, a novčana sredstva se pribavljaju iz:

- članarine, kada je u pitanju Udruženje;
- dobrovoljnih priloga te poklona fizičkih i pravnih osoba;
- sredstva dobijena iz proračuna Sportskog saveza, Općina, Kantona, FBiH, BiH;
- prihoda stečenih obavljanjem uslužne djelatnosti;
- drugih prihoda stečenih sukladno Zakonu i Statutu.

Sva ostvarena dobit koristi se isključivo za ostvarivanje ciljeva Udruženja. O raspodjeli prikupljenih sredstava odlučuje Upravni odbor.

Član 37.

Udruženje vodi poslovne knjige i sastavlja financijski izvještaj, sukladno zakonu i drugim propisima. Udruženje može sticati pokretnu i nepokretnu imovinu. Odluku o sticanju nekretnina donosi Skupština, kao i odluku o prodaji ili prijenosa na drugu osobu. Upravni odbor donosi odluku o stjecanju, prodaji, prijenosa na drugu osobu ili davanju u zakup pokretne imovine, kao i o davanju u zakup nekretnina. Član organa Udruženja ne može glasati o imovinskim pitanjima u kojima se on, njegov bračni drug ili njegov srodnik do trećeg stupnja, pojavljuje kao zainteresirana osoba.

III. NAGRADE I PRIZNANJA

Član 38.

Udruženje može dodjeljivati nagrade i priznanja svojim članovima, te organizacijama i pojedincima za zasluge i dostignuća u radu i razvitku Udruženja. Nagrade i priznanja ustanovljuje Skupština, a kriterije za dodjelu i način dodjele priznanja utvrđuje Upravni odbor svojim posebnim aktom.

IV. NAČIN I POSTUPAK DONOŠENJA STATUTA I DRUGIH AKATA

Član 39.

Inicijativu za donošenje, izmjene i dopune Statuta mogu dati:

- Skupština;
- Upravni odbor;
- predsjednik Udruženja;
- najmanje polovica članova Skupštine.

Prijedlog Statuta utvrđuje Upravni odbor.

Član 40.

Pravo tumačenja odredaba Statuta i drugih akata ima onaj organ koji ga je donio.

V. PRESTANAK RADA UDRUŽENJA

Član 41.

Udruženje prestaje s radom u slučajevima propisanim zakonom te u slučaju kada Skupština donese odluku o prestanku rada Udruženja.

Član 42.

U slučaju prestanka rada Udruženja, o dodijeli i raspodijeli imovine odlučuje Skupština.

VI. PRIJELAZNE I ZAVRŠNE ODREDBE

Član 43.

Ovaj Statut stupa na snagu danom donošenja.

U Novom Travniku, 24.05.2012. godine

Predsjedavajući Izborne skupštine
